

續金華叢書



竹金華叢書



少室山房類藁卷二十一

續金華叢書

漱水胡應麟明瑞著

七言古詩八首

昔遊篇錢塘舟中作贈董觀察

秋風肅肅鴻雁鳴南斗參差北斗橫孤客迢遙過越水舊遊憔悴隔
燕城燕城越水三千里憶昔聲華滿人耳藉草曾留太液旁看花誤
入明光裏明光太液連西苑往往遊人駐雕輦楊柳春風七貴門梧
桐夜月諸王館王家貴里不相親聯裾握手盡詞人鳳凰原上題詩
處鵲鴝宮前草賦晨紛紛冠蓋爭馳逐載酒籠燈過輦轂緩轡同看
白玉京揚鞭醉入黃金屋秦箏趙管春不休歌聲繚繞碧雲愁香塵
百里昌平道飛雪千門易水流五夜論心傳彩翰珠璣滿把皆堪羨
衣袂揚揚逼九霄劒鋒耿耿流雙電誰言潘陸是才人肯與王楊作
後塵格調迥迥追天寶上風期直與建安隣鑾坡鳳閣多相值鐵券金
貂總歡暱羣中忽覩三楚豪坐使瓊瑤驚四席牙冠繡服光陸離片

諸如金山可移暮攜奏草歸青瑣曉對封章下赤墀赤墀青瑣生風
彩手握芙蓉珮蘭茝元禮聲華動闕庭陳登意氣傾湖海匆匆識面
比南金慚愧論文契未深欲攜短刺通華館忽棹扁舟出漢陰荷衣
蕙帶還鄉國回首交游成太息落日長歌王樹詞浮雲遠蔽金臺色
落日浮雲夢轉長却乘煙水下錢塘徘徊殿閣迷仙署寂寞川原望
帝鄉帝鄉仙署空遼絕何意輜軒到吳越欲向西湖訪畫圖薶辭北
斗離閬闔雙峰緲緲插煙霄三竺蒼蒼引畫橋清風暗拂蘇堤柳壯
氣平吞浙海潮竭來間訊蓬蒿士遠思幽情何楚楚短褐長裾謁上
官麻鞋布襪從泥滓屈指并州幾故人嗟咨往事轉傷神虛傳異日
山陰棹無復當時洛水春山陰洛水俱陳迹會見飛騰返京邑乍經
徽省布陽和更上楓宸扶赤日幾年騏驥阨鹽車矯首長鳴氣不舒
孫陽造父俱垂盼肯使奇才卧草廬

崑崙行送大司空朱公馳驛還豫章竝呈唐太常萬直指

君不見黃河之水來崑崙濁流萬里經龍門環嵩絕華不少息吞吐

日月掛乾坤天吳揚瀾九河溢大澤龍蛇起原隰洪荒不解堯舜憂
平成却藉司空力自從大禹作司空百川四瀆俱朝宗鎖壓支祈鎮
淮甸至今玉策垂神功國家定鼎幽燕北財賦實仰東南域河渠一
線厘帝衷維時首賴平江伯二百年來飛輓停肅皇之末何邐迤千
艘莫進餉道阻臨朝南顧嗟羣臣我公崛起江之右列星顯化神明
胄匡廬彭蠡毓精華西山南浦鍾奇秀早年通籍謁承明中歲翱翔
漢兩京一朝起任虞廷事九官四岳咸推能沛渠已於徐方塞巨浪
滔天勢難遏兩岸洪波迥莫分百年故道誰能識神功實始南陽口
夏村旣道留城走報國難將寵辱驚乘時大展經綸手櫛風沐雨卧
不寧追逐魍魎驅玄冥八年胼胝勲績就青天不動黃流平東連楊
子息江濤北望天津散海潮車書萬國看王會玉帛羣方賀聖朝隆
慶之中河再決帝謂元臣有遺烈一麾暫駐淮泗清風雷寂靜波濤
絕飛廉導車屏翳從馮夷海若應潛踪金書烏篆迹靈秘異時彷彿
峒嶠峰大禹功高古來少姬旦材多心轉小門下爭看桃李榮車前

肯使驂騑老紛紛制作懸丹霄馳驅阮陸追風騷元和文譽斗山重
天寶才名今古豪三朝出入方垂注投簪忽擁南歸騎蒼生常恐謝
公閒黃閣難留疏廣去樓船簫鼓出皇州錦纜牙檣作勝遊羣公祖
帳灞陵晚萬姓環看渭水秋迢遞關城望鄉邑浮雲漸送匡山色
艤蘭舟水驛濱故老相逢話胃臆酒闌倚劒心飛揚語及前朝俱感
傷丈夫報國志猶在星辰錯落雙干將旌旗明發川原阻着繡畫行
誰與伍滕王閣上幾留賓孺子亭前頻吊古卽今廊廟求賢急肯使
元勳卧黃石綠野堂開祇翫留終須勉爲蒼生出五老東南勢轉尊
三台佳氣正氤氲鸞箋倘逐蒲輪到極目燕台五色雲

時公與太常唐公燕澱水舟中
卽席命余賦此凡六百八十言

送朱可大還萬安

自從戰國更王風屈原師弟俱稱雄西京蘇李復繼作遺篇十九真
宗工黃初七子各有得勃興杜李文章伯此道凌遲大曆還世代紛
紛轉荆棘千年大雅幾茫然信陽北地何翩翩力剪榛蕪繼唐漢恍

揭日月懸高天眼中作者難盡數戛玉敲金事奇古相逢海內俱賢
豪奮迹前茅追步武看君意氣何昂藏十九謁帝趨明光曾蟠萬卷
破幽眇手鍊五色回天章藉甚聲華滿京洛咫尺雲霄見孤鶴司馬
仍傳太史書拾遺頗負襄陽學飄然遇我燕市中河梁邂逅雙飛龍
高歌擊筑白虹斷劒花欲墮青芙蓉莽蒼風塵遽相別美人迢遞音
容絕五年空覩芳草生萬里長看碧雲合雲泥自分隨升沈豈料重
逢潑水瀆咄嗟往事如夢寤解衣共拂京華塵五夜論文思逾壯濁
酒淋漓對惆悵天地遲迴秉燭間星河磊落孤舟上眼看世變隨江
河憫時憤事憂彌多百川砥柱賴公等異時詎肯揚其波伯樂張華
古難得時乖蹇歛圖南翼燕雀寧爭世上名蛟龍豈是池中物一朝
變幻乘風霆磅礴六合摩崑崙卞和之玉詎三刖季子金多安足論
高天黃葉連鄉國大鵬乘風度秋色短歌送汝不成聲握手臨歧泪
沾臆千秋傑閣倚青沙百尺珠簾挂晚霞茲行定擬滕王賦一寄蘭
州孺子家

慢亭雲氣歌爲督學滕公作

君不見武夷之峰高插天慢亭玉女騰蒼煙層巒列嶂三十六相傳
秦代巢真仙狂風怒號滄海立海水蹴日日欲沒峰頭雲霧長晦冥
青虬赤鯉當晝集蓬萊東望若可招貝闕珠宮浮巨鰲紛紛羣帝持
絳節揚雷激電朝丹霄茲山形勢實奇絕紫氣迢迢亘吳越扶桑萬
丈渤澥低齊州九點乾坤狹溪流屈曲環清沙緋桃夾岸蒸紅霞鸞
鶴翱翔度空谷猿猱寂歷啼山家危巖絕磴倚石壁去天冉冉不盈
尺仰視列星河漢垂下窺飛鳥松蘿黑藥爐經窟多遐踪蘇門高步
隨韓終霞光半落錦繡座日色返射金銀宮仙居縹緲隔人世環珮
飄颻落雲際半夜天鷄絕頂鳴清秋石馬凌空繫雜花幽草何芊綿
松枝栢葉皆堪殮洞前三女不相待彷彿麻姑留翠鬟祝融梁父空
鬱律太乙終南自騰擲遍觀豈若茲山奇寥泝清虛閱靈迹真人度
世三千秋俯看人代如浮漚揭來欲濟生民困拂衣長嘯離丹丘金
書玉檢秘空麓鶴馭鸞駢罷馳逐一朝乘蹻來東南手挽江河障平

陸眼中軒冕如埃塵葛洪王遠時相聞清夢常隨巖際月幽懷每逐
洞中雲卽今宇宙須眞宰拭目經綸橫四海漫勞黃帝訪空同躋借
庚桑居畏壘武夷山何蒼蒼眞人下閭闔草木無輝光他時簪笏升
巖廊致君堯舜追虞唐却駕白鹿還仙鄉天齊地久長無疆

題鐵幹回春圖山陰劉世儒工畫梅以巨幅贄余乞詩爲賦

吳綃七尺鋪寒玉幻出名花照幽獨微霜淡月春朦朧何處佳人卧
空谷畫梅自昔傳華光擅奇更有王元章千秋絹素漸零落古色黯
黯留虛堂邇來劉生最殊絕十載含毫走燕越一榻常棲剡水雲雙
帆忽下桐廬月看君落墨如有神解衣盤礴隨天真淋漓數筆生意
動陰崖頃刻回陽春林危逕仄飛鳥絕偃蹇虬龍鎖深穴彷彿羅浮
萬丈峰孤根倒挂千年雪大枝詰屈粘莓苔小枝蜿蜒花亂開號國
蛾眉逞疏淡壽陽粧額矜徘徊風臺月觀遙相望園林更染孤山樣
絕豔驚從漢苑來冰肌迥出唐昌上吁嗟劉生畫已仙坐令鐵幹摩
蒼煙高屏巨障欲飛動素冊單條絕可憐長安五侯招不得王家珍

重走書乞何緣好博胡生詩亂灑琳琅向蓬華陰鏗不作何遜亡人
間佳句何茫茫暗香疏影亦長語後來誰復傳篇章嗟余潦倒筆力
弱細嚼瓊朶搜枯腸劉生劉生勿悽蹙自古高流混凡俗卽今且作
瀟湘遊坐觀瀑布匡山麓他時問訊子猷船倘寄鵝溪三百幅

舟次錢塘謁滕公值風雨夜作解所珮爲寶劍歌

江潮十月如山丘北風颺江江倒流星河一片落寒鐵暗中擎出蛟
龍愁君不見豐城獄底百鍊鋼精靈埋沒三千霜當時不遇雷與張
至今神物終潛藏又不見曹沫手中三尺水却制桓侯輕管子一朝
壇上行奇謀百代聲華耀青史胡生寶劍人不識十千買自邯鄲邑
竭來持贈歸滕公繞座虹光流四壁憶昔千將初鑄時睥睨歐冶麾
風胡低迴天地鍊精氣噴薄宇宙烹洪鑪泰山爲鐔渤海鉞神鋒指
石石欲裂綠柄猶沾苔蘚文赤花半墮芙蓉匣有時夜嘯風雨聲千
夫辟易萬馬驚山中魍魎晝摧絕水底鯨螭寒不鳴湛盧飛景亦凡
俗純鉤巨闕皆碌碌取次橫裁麗水金紛紜碎割昆吾玉一揮四國

如建瓴挽回日月轟雷霆朝攜赤堇鬼神伏暮宿蒼梧濤浪青荆軻
孺子本無術七首倉皇挑強敵片言在殺樊將軍易水悲風轉烏邑
項王材力何豪雄廢書苦學仍無功垓下誰知萬人敵時哉不利嗟
重瞳豈若胡生磨此劒寸心耿耿橫孤電十年坎坷意不平提與滕
公肝膽見滕公豪氣凌穹蒼一朝覩此神飛揚願持此物登朝堂時
時拂拭生秋霜蚩尤遁迹魍魎藏周遊八極還大荒

虔州歌送大中丞江公之南贛

東南海色何蒼蒼旌旗夾岸澄清光迢迢斧鉞自天下帝遣中丞巡
朔方銅符玉帳分千里畫甲雕鞍圍綉綺三軍鼙鼓寂無聲萬竈風
煙晴不起中丞自是河宿精仁窺人世辭蓬瀛流沙咫尺不可越怒
鞭海若驅長鯨停車忽傍黃山麓笑揖浮丘跨覆鹿曉逐霞光度赤
城暮殄雲氣離天目胸中遠思凌浹瀟却來湖海稱人豪單辭隻語
露肝膽白日不動蒼旻高猿貍豹略多奇跡早握兵符窮戰術八陳
常翻魚腹圖千言自獻龍門策策名飛步登皇州紛紛簪筆皆儒流

斗邊夜嘯震龍劒天上春開五鳳樓賈生意氣本英發終君才調何
穎脫長纓直欲係匈奴尺組恆思繫南粵華袞朱軒出未央竹馬壺
漿迂道傍已見褰裳臨薊野還看賜服下南陽再歲超遷左馮翊鳳
凰神雀咸來集聲名從此播區寰二省三臺勞涉歷東南財賦日徬
徨一麾承詔來餘杭唐代征輪屬劉晏漢家平準羞弘羊政成績奏
多清燕越水吳山自遊翫酌酒初登武穆祠飛書忽下明光殿匆匆
督府推賢臣九重煥爛傳絲綸隴西黎庶望充國河內軍民嗟寇恂
虔州形勢本四塞渺渺川原開郡邑波濤半蹴閩海青瘴癘斜連惠
潮黑汀漳諸府列大牙紆索四省藏千家窮鄉絕峒鑠魑魅深巖大
澤盤龍蛇廟堂拊髀思經濟時來崛起風塵際三苗方略從便宜九
姓羌渾隨節制軒車雜還送離觴十月江城滿路霜大將樓船橫浙
水元戎隊伍出錢塘錢塘浙水俱秋色回首嚴陵瞻故國白岳峻嶒
帶雨寒蒼巖兀突齊雲立雲巖白岳望不停番陽彭蠡江漠漠千年
滕閣迷丹嶂萬仞匡廬削翠屏歷歷關河度章浦緩轡停驂問風土

送客應過孺子亭提兵却入中丞府中丞號令何雄哉指揮叱咤行
風雷將軍列戍秦城遠壯士長歌漢壁開建牙吹角觀游獵士氣軍
聲騰百粵鐵馬驕嘶海月寒凋戈仁舉巖雲裂海月巖雲壯品題登
壇橫槩思清淒慷慨寧論班定遠風流不減庾征西綬帶時時臨絕
域綸巾羽扇何閒寂驃騎空馳大漠煙詞人在勒燕然石崔嵬銅柱
鎮封提縹緲珠崖接五溪分耕坐使陽春布講武俄看太白低講武
分耕嚴紀律瀘夷永靖先零輯主恩時賜鷩鷩袍兵氣潛消狐兔窟
津亭黃葉轉紛紛腸斷驪駒不可聞晚思蒼茫盈落日愁心悽切駐
寒雲男兒意態元磊落抗手何須怨離索指日威名虎豹關他時事
業麒麟閣雨露沾濡大海濱谿山隨處淨煙塵更令文字流荒服行
見衣冠入紫宸

題黃初平叱石圖

古木蒼藤挂風雨白石峨峨洞門倚黃家兒曹不解事叱作羣羊遍
空起胡生較汝差長年俯窺五岳石五拳他時一叱五羊起白雲飛

盡羅浮顛

少室山房類集卷二十一

七

少室山房類集卷二十一

少室山房類藁卷二十二

續金華叢書

漱水胡應麟明瑞著

五言古詩一十二首

題何仁仲甘露園

有序

何氏之先繇開創助世襲金紫至司寇公遷詞章學術重宇
內仁仲其仲子也幼受業家君弱冠名家詩賦茲繪其所構
林亭千里索和余弗獲辭

園林舊說何將軍應門稚子俱能文卽今盛世寧好武登壇載觀鴻
臚君別起樓臺眺三楚冠蓋章華總非伍九疑七澤天茫茫千秋屈
宋垂文章何日玄亭借高卧乘風會鼓瀟湘柁

梅窻歌壽何處士作

吾聞羅浮之山四萬八千丈絕頂仙葩隔塵壤鐵榦斜撐大海濱霜
梢亂插遙天上江南十月寒信來雪花如席飛瑤臺千枝萬枝凍欲
折凌風一樹何奇哉清標雅質真絕俗爲誰移向孤山麓東閣會聞

杜陵句西湖更八林逋目道人自是姑射仙幾年采藥羅浮顛參差
老態看不足却窺春色來湖邊滿屋琳瑯坐相對五夜虛窻月光碎
夜永寧知素影單酣歌絕勝紅粧醉縞衣鶴氅何翩翩況有逸思凌
開元有時興到起濡墨陰鏗何遜皆陳言只今尙作梅花主甲子一
周還二紀山房乍夜春意回彷彿枝頭聞翠羽綉屏朱戶羅嬋娟孫
枝繞膝才且賢折花浸酒爲翁壽清香習習來華筵王母安期世誰
識玉桃丹棗空陳迹豈若冰肌耐歲寒破臍含春映朝日梅窻叟且
莫吟繁包落羌笛國豔傳幽琴遙望羅浮隔南粵玉宇雕梁迥清絕
聳身欲去重徘徊冉冉雲駢下天未且揮白鶴留人寰幾番渤海成
桑田更卧梅花三百年一節長嘯凌蒼煙

褒忠祠祀禮成代直指蕭公作

一夜并州赤龍起浩蕩風塵播疆宇捲甲朝降十萬師懸烽夕照三
千里眞主初還建業東儲君却下金陵宮羣臣駢首甘就戮至今正
氣吞長虹憶昔齊黃在帷幄首繫親王入京洛書生坐失應變機遂

使貔貅暗沙漠同時抗節練與陳壯懷凜凜雄三軍偉哉正學十族
死精貫日月開浮雲全師僅見南陽鐵獨守危城破堅甲暴昭姚善
兩激昂視死如歸狗鈇鉞皇皇周子百鍊鋼題詩目縊太學堂景清
枉効漸離術勢孤不得抽魚腸紛紛義士難悉數力挽頽波示今古
投河直欲拒成湯扣馬寧辭諫周武大厦難將一木支江城白晝飛
旌旗鄙南正位大統集劒閣巡行天命移沈吟往事空憤切耿耿英
魂豈終滅四海同悲東市刑曠代猶瞻首陽烈百年祀典何寥寥明
良繼起登熙朝首錄忠誠建祠宇天書五色垂丹青霄峨峨遺像表忠
赤報禮殷勤慰悽惻西日含窻鳥自過北風吹樹聲猶急陰蟲夜促
霜露零羣公恍忽來精靈九原遺恨豈堪說天空月落秋冥冥我行
覩此重太息後世誰傳董狐筆海濱義士何足論洛邑頑民眞再出
英英壯氣摩乾坤流光竹帛垂丹青千秋萬代鑒往轍君臣大義如
日星嗚呼君臣大義如日星

河洛篇督學滕公夜邀齋中談道命賦